

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : DATO' RAJA KAMARUL BAHRIN SHAH BIN RAJA
AHMAD**

[KUALA TERENGGANU – AMANAH]

SOALAN : 283

**Dato' Raja Kamarul Bahrin Shah bin Raja Ahmad [Kuala Terengganu] minta
PERDANA MENTERI menyatakan polisi Malaysia tentang pelarian Rohingya dan
berapa ramaikah pelarian Rohingya diterima di Malaysia di antara 2015 – 2017.**

JAWAPAN: **YB. DATO' SERI DR. SHAHIDAN BIN KASSIM**
MENTERI DI JABATAN PERDANA MENTERI

Tuan Yang Di-Pertua,

Kerajaan tidak mengiktiraf status “pelarian” memandangkan Malaysia bukan negara pihak kepada Konvensyen Mengenai Status Pelarian 1951 dan Protokol 1967. Namun demikian, atas dasar kemanusiaan, Kerajaan membenarkan pemegang kad Suruhanjaya Tinggi Pertubuhan Bangsa-Bangsa Bersatu bagi Pelarian (UNHCR) termasuk etnik Rohingya, Myanmar yang mempunyai kad UNHCR yang sah untuk tinggal sementara sehingga dihantar pulang ke negara asal atau ditempatkan di negara ketiga.

Pemegang kad UNHCR termasuk etnik Rohingya, Myanmar bebas bergerak di Semenanjung Malaysia, bebas mengamalkan budaya dan kepercayaan agama, mendapat potongan harga caj di hospital kerajaan sebanyak 50% berbanding warga negara asing yang lain dan akses kepada pendidikan swasta. Walau bagaimanapun, sekiranya pemegang kad UNHCR ini melakukan aktiviti yang melanggar perundangan negara, maka tindakan sewajarnya berdasarkan undang-undang berkaitan akan diambil.

Sehingga 31 Mei 2017, terdapat seramai 48,812 “pelarian” dan 9,798 pemohon suaka etnik Rohingya, Myanmar yang berdaftar dengan UNHCR di Malaysia. Seramai 41,699 orang merupakan lelaki dan 16,911 orang adalah perempuan.

Sekian, terima kasih.